



UNIVERSITÄTS-
BIBLIOTHEK
PADERBORN

Universitätsbibliothek Paderborn

**M. Adami, Scriptoris Vetvsti, Historia Ecclesiastica,
Religionis Propagatae Gesta, Ex Hammabvrgensi
Potissimum Atque Bremensi Ecclesiis, Per Vicina
Septentrionis Regna**

Adamus <Bremensis>

Helmetadi[i], 1670

XXIII. Diploma Henrici Imp. De Comitatu Vdonis Marchionis.

urn:nbn:de:hbz:466:1-11096

DIPLOMA HENRICI IMP. DE COMITATV VDONIS
MARCHIONIS.

IN nomine sanctæ & individue Trinitatis, Henricus divina favente clementia Rex. Cum regie dignitatis sit jus cuique servare suum, præcipue tamen Ecclesiastica jura nobis observanda videntur, quia si peccandum, tolerabilius in hominem quam in Deum, si vero non peccandum, reverentius tamen Deo quam hominibus obsequendum. Nos quidem patrum præcedentium vestigia imitari optantes, augere bona ecclesiastica, aucta retinere, nostrorum in quantum possumus patrocinio tueri debemus, quatenus nostra tenera ætas ad virile robur anhelans promoveri, si promoverit sperans, & dandi in Deo gloriam consequatur, & data inter homines confirmandi gratiam non amittat. Universis igitur sanctæ Dei Ecclesiæ nostrisque fidelibus, tam futuris quam presentibus notum esse volumus, qualiter dominus Adalbertus, sanctæ Hammaburgensis Ecclesiæ Archiepiscopus patronus & fidelis noster, clementiæ nostræ serenitatem adiit supplicando, quatenus eidem Ecclesiæ, quæ est in honore Dei Salvatoris, ejusque intemeratæ genitricis perpetuæque virginis Mariæ, & beati Iacobi Apostoli consecrata, comitatum Udonis Marchionis, quem pater suus habebat antequam acciperet, daremus in proprium. Vnde ad promerenda cælestis patriæ gaudia, & ad prolonganda sub divina semper defensione nostræ temporalis vitæ curricula, & explendam nostrorum petitionem fidelium, videlicet dilecti

Vide Adad
mum lib.
4 cap. V.
pag. 113.

magistri nostri Annonis Archiepiscopi Coloniensis, Sigefridi Archiepiscopi Moguntini, Burchardi Halberstadenſis, Guntharii Bavenburgenſis, Adalberonis Virziburgenſis Episcoporum, Ottonis Baivariorum Ducis, Bertoldi Ducis, Ottonis Marchionis, Fritherici Comitis Palatini, Ek-kiberti Comitis, decernentes conſentire; remunerantes quoque prædicti Archiepiscopi iuge ſervitium, quod patri nostro & nobis inceſſabili devotione exhibuit, eundem prænominati Vdonis Marchionis comitatum in Angeri ſitum, cum univerſis appendiciis ejuſdem Marchionis beneficia reſpicientibus hoc eſt, utriuſque ſexus mancipiis, areis, ædificiis, agris, pratis, pascuis, terris cultis, & incultis, aquis & aquarum decurſibus, molis, & molendinis, piſcationibus, exitibus & redditibus, viis & inviis, quæſitis & inquirendis, mercatis, monetis, theloneis, foreſtum etiam cum noſtro banno regali per omnem comitatum, iſs tantum venationibus exceptis, quas nos aut prædeceſſores noſtri Romanorum ſcilicet Imperatores vel Francorum Reges, Eccleſiis vel Principibus per regy auctoritatem præcepti largiendo contulimus, ſanctæ Hammaburgenſi Eccleſiæ pro noſtræ, ut diximus, noſtrique genitoris animæ remedio, perpetuo jure poſſidendum, omnium præſentium vel ſuccedentium contradictione remota, in proprium tradidimus atque donavimus. Confirmamus autem eidem Eccleſiæ munificentia regia libertatem per omnia retinendam, & bona omnia quæ à Carolo Magno prædeceſſores noſtri, Romanorum ſiquidem Imperatores vel Francorum Reges uſque ad tempora noſtra prænominatæ Eccleſiæ conceſſerunt, &

nos habendum & omni tempore atq̄ jure perpetuo possidendum per nostri præcepti paginam concedimus, omni nostra & nostrorum successorum, cunctorumque mortalium majorum vel minorum inquietatione remota. Parochias scilicet, decimas, terras cultas, & incultas, comitatus, mercatos, monetas, thelonea, foresta, cum omni utilitate, quæ describi vel quoquomodo inde provenire poterunt. Et ut hæc nostra regalis traditio stabilis & inconvulsa per succedentium momenta temporum permaneat, hoc inde conscriptum manu propria, ut infra videtur corroborantes, sigilli nostri impressione jussimus insigniri. Data est IX. Kalend. Novembris. Anno Dominicæ Incarnationis M. LXII. Indictione II. Anno autem Domini Heinrichi ordinationis quarti Regis VIII. regni vero VI. Actum Ratisponiæ feliciter, Amen.

XXIV.

FRIDERICI IMP. CONFIRMATIO PRIVILEGIORVM
HAMBURGENSEI ECCLESIAE CON-
CESSORVM.

IN Dei nomine sanctæ & individue Trinitatis, Fridericus divina favente clementia, Romanorum Imperator Augustus. In examine cuncta Dei conspicientes equali, meritum fors credimus dantis & corroborantis. Credimus etiam ad Imperialem Majestatem nostram pertinere totius Imperij curas, præcipueq̄ omnium Sanctarum Dei Ecclesiarum commoda considerare, & omnia eis adversantia sub omni festinantia abolere, ne vel gravi incommoditate vilescant, vel qualibet nacta occasione à pristino cultu & religi-

Est & hoc inter Privilegia Archiepiscopi ecclesie Hamburgensis à Lindenbergio edita. pag. 111.